



Øvst til venstre: Blessing imponerte og sang med stor innlevning og glede

Nederst til venstre: ProsEkko i aksjon i Solevågshallen med svingande og rytmisk musikk

Øvst i midten: Syskena Nora og Even Isaksen Sunde kosa seg på Gla'dag, alt er like kjekt, smilte Even

Nederst i midten:  
– Skal du kjøpe tombolalodd, spør Laurits Sunde Amri fra Solevåg skulekorps, og Bjørg Gjelseth kjøpte

Til høyre: Å stable bruskasser kan vere ei utfordring! Rekorden i år var på 20 kasser, og Karen Brynhildsrød var den som klarte det kunstykket.



# Suksess for Gla'dag i Solevågshallen

Dersom du fyller ein hall med glade barn og voksne, glad song og glad musikk, har du litt av oppskrifta på ein glad dag!

Dei to korpsa på Eidsnes fekk endeleg invitere til Gla'dag att sist sondag, og det var tydeleg at dette ville folk støtte opp om. Ei periode i arrangementet var alle dei om lag 270 sitteplassane opptekne, så enkelte måtte stå.

På golvet i Solevågshallen var sportslege aktivitetar bytta ut med bord og stolar, eit langt og freistande kakebord, loddsal og tombola. Og innimellom vart det presentert bolkar med song og fengande korpsmusikk.

Både Ekko, Solevåg skulekorps og ei gruppe sett saman av begge med det sprudlende namnet ProsEkko sytte for friske korpstakter i hallen.

ProsEkko vart til etter initiativ frå dei eldste i skulekorpset, der tanken er at dei skal spele saman med dei yngste i Ekko. Leiari for denne gruppa er dei to initiativtakarane Aleksander Frekøy Breivik og Håkon Hagen Knudsen, sistnemnde er også dirigent for skulekorpset.

Vona er at dette skal hjelpe på overgangen frå skulekorps til voksenkorps, slik at dei ikkje sluttar, men vil fortsetje i Ekko.

Sondag spela dei Eighties Flashback, med melodiane Thriller, Time after time, Eye of the tiger, Up were we belong og You give love a bad name samt Free World Fantasy av Jacob de Haan. Kjekk musikk å høyre på og heilt sikkert kjekk å spele og.

Både Big Bless og Blessing med dirigenten sin, Geir Harald

Eikrem, synte fram ein god porsjon songglede med sine songar.

Avslutningsvis fekk Solevåg skulekorps kome fram på golvet for å spele nokre av sine favorittmelodiar, både Highland Cathedral, marsjen Smoke on the water og gehorspeling av Jeg gikk en tur på stien let godt. Skulekorpset kan sjå fram til tur til Østerse-Treff i Tyskland i sommar, det vert nok ei stor opplevelle for alle.

**Bente Iversen Breivik**